



## Projeitu Observasaun ba Parlamentu

### Relatoriu Parlamentu Nasionál: Jullu, 2010

#### Part 1: Aktividade Plenária nian

##### a. Infomasaun jeral:

###### Plenária lao loron saída?

- 01 Jullu 2010 plenária extraordinaria
- 02 Jullu 2010 plenária extraordinaria
- 05 Jullu 2010 plenária normal/bai-bain
- 08 Jullu 2010 plenária extraordinaria
- 12 Jullu 2010 plenária normal/bai-bain
- 21 Jullu 2010 diskusaun plenária Komisaun Permanente
- 28 Jullu 2010 diskusaun plenária Komisaun Permanente

###### Plenária tuir agenda ka lae?

Plenária la'o tuir agenda maibé dala ruma komesa tarde, hanesan iha agenda komesa tuku 9 dader, maibé komesa tuku 10 dader tanbá deputadu sira sei hein malu.

- Iha plenária extra ordinaria hodi halo votasaun final global ba Proposta de Lei n. 37/II konabá "Primeira Alteração à Lei No 15/2009, de 23 de Dezembro, no "Orçamento Geral do Estado da República Democrática de Timór Lésté 2010."
- Iha plenária extra ordinaria hodi vota kontra atu Hari'i Sentru refuziadu ne'ebé atu buka azilu politika iha Timór Lésté.
- Iha diskusaun plenária loron 21 no 28 komesa tarde tanbá *quorum* la to'o no adia ba tempu seluk.
- Iha diskusaun plenária loron 21 Jullu total deputadu ne'ebé tuir diskusaun plenária hamutuk 11 deit loloos deputadu hamutuk 27 mak hakna'ar aan iha komisaun permanente ne'e.
- No iha diskusaun plenária segundu 28 Jullu mós tuir informasaun ne'ebé hetan mós la prenxe *quorum* no adia diskusaun ne'e bá loron seluk.

###### Iha deklarasaun polítiku ka lae?

La iha deklarasaun polítika maibé hato'o informasaun oi-oin deit maske quorum la to'o depois remata ka taka.

###### Oinsá ho deputadu nia atendentu?

Deputadu nia atendentu fulan ne'e la diak tanbá komisaun permanente sempre la priense *quorum* no adia prosesu diskusaun plenária ba tempu seluk.

###### Oinsá ho prosesu votasaun?

Prosesu votasaun, foti kartaun matak signifika afavor, kontra mean no abstensoens ajul.

- Votasaun Final Global Proposta de Lei n. 37/II konabá "Primeira Alteração à Lei No 15/2009, de 23 de Dezembro, que "Orçamento Geral do Estado da República Democrática de Timór Lésté 2010." : a favor 39, kontra 17 no abstensoens 3. Vota

<p>afavor husi bankada CNRT 18, PD 7, PSD 6, ASDT 5, Undertim 2, no Independente 1, entertantu bankada Fretilin 17 vota kontra no bankada PUN 2, ho KOTA 1, vota absteinsaun.</p> <p>- Votasaun jeneralidade ba projeitu rezolusaun Nu.47 /II kontra hari'i Sentru Refuziadu ho votasaun afavor 34, Kontra 0, no abstensaun 0. Bankada parlamentar ne'ebé vota kontra mak hanesan bankada Fretilin 11, CNRT 10, PD 2, PSD 4, ASDT 1, Undertim 2, PPT 1, no Independente 1, entertantu bankada PUN ho KOTA la marka prezensa ka la tama servisu husi dadersan to'o loraik.</p>
<p><b><u>Oinsá deputadu sira nia participasaun (ativu ka pasivu)?</u></b>  Deputadu sira iha fulan ida ne'e pasivu liu kompara ho fulan kotuk, tanbá komisaun permanente sempre la prenxe <i>quorum</i>.</p>
<p><b><u>b. Informasaun konabá aktividade legislative</u></b></p>
<p><b><u>Plenária debatu ka simu proposta lei no projeitu lei saída?</u></b></p> <ul style="list-style-type: none"> <li>• Proposta Resolusaun Nu. 47/II konabá kontra atu Hari'i Sentru Refuziadu iha Timór Lésté ba sira ne'ebé atu buka azilu politiku (12 Jullu 2010)</li> <li>• Komisaun Permanente PN simu <i>nota de reencaminhamento</i> husi Bispo Dioseze Díli no husi Vigario Geral Dioseze Díli (15 Jullu 2010)</li> </ul>
<p><b><u>Iha konsultasaun konabá esbosu lei ka lae?</u></b>  -La iha konsultasaun bá resolusaun No. 47/II konabá hari'i Sentru refuziadu iha Timór Lésté  -GMPTL iha konferensia nasonál saude reprodutiva, planeamentu família no edukasaun seksual no hetan <i>nota de reencaminhamento</i> husi Bispo Dioseze Díli.</p>
<p><b><u>Iha partisipasaun husi governu ka lae?</u></b></p> <ul style="list-style-type: none"> <li>• La iha partisipasaun husi governu iha fulan ne'e.</li> </ul>
<p><b><u>c. Infomasaun konabá aktividade fiskalizasaun/infomasaun diversas/oversight</u></b></p>
<p><b><u>Plenária halo fiskalizasaun konabá asuntu saída?</u></b></p> <p>Iha fulan ne'e deputadu sira ko'alia konabá:</p> <ul style="list-style-type: none"> <li>• Hari'i Sentro Refuziadu iha Timór Lésté</li> <li>• GMPTL iha konferensia nasonál saude reprodutiva, planeamentu família no edukasaun seksual;</li> <li>• hetan <i>nota de reencaminhamento</i> husi Bispo Dioseze Díli</li> <li>• asuntu veteranu ho Komandante PNTL Distritu Díli</li> <li>• Kom. A uga audiensia ho NGO's konabá Projeitu Lei Reparasaun no Projeitu Lei Hari'i Institutu Públiku ba Memória iha Parlamentu Nasionál</li> <li>• Kom. A iha audensia ho vitima husi distritu 13 hodi rona sira nia idea konabá Projeitu Lei Reparasaun no Projeitu Lei Hari'i Institutu Públiku bá Memória iha Parlamentu Nasionál.</li> </ul> <p>Iha fulan Jullu ne'e deputadu sira feriadu ona, entaun diversas informasaun mós ladu'un barak foti iha komisaun permanente no dala rua <i>quorum</i> la to'o.</p>
<p><b><u>d. Komentáriu ka análise seluk konabá Plenária nia aktividade?</u></b></p>
<p><b><u>Iha komentáriu ka análise seluk konabá Plenária nia aktividade?</u></b>  iha fulan ne'e membru parlamentu hotu pasivu liu tanbá komisaun permanente parlamentu sempre la prenxe <i>quorum</i> no viola oras servisu.</p>

## **Part 2: Aktividade Komisaun A nian**

### **a. Infomasaun jeral:**

#### **Komisaun A lao loraun saida?**

- 3 Jullu 2010 (Kom. A PN enkontra ho grupu servisu inklui JSMP iha STP-CAVR)
- 6 Jullu 2010 (Kom. A PN audensia ho NGO inklui JSMP iha Parlamentu Nasionál).
- 7 Jullu 2010 (Kom. A PN audensia pública vítima husi Dist. 13 inklui vítima husi Oecusse ne'ebé fasilita husi JSMP-POP iha Parlamentu Nasionál).
- 14 Jullu 2010 (Kom. A vota ba relatóriu paraser ba projetu lei reparasaun no instituisaun memórial)
- 11-13 Jullu 2010 (GMPTL halo konfrensia Nasionál Saude Produktiva iha salaun GMPTL)

#### **Komisaun A tuir agenda ka lae?**

Iha fulan ne'e Komisaun A nia diskusaun sira la'o tuir agenda ne'ebé mak iha, no hotu tarde.

#### **Oinsá atendentu deputadu sira iha sesion komisaun A nian?**

Atendentu deputadu sira iha sesaun komisaun A nian, ba fulan ida ne'e diak tanbá sempre to'o ka prenxe *quorum*.

#### **Oinsá ho prosesu votasaun?**

Relatóriu Paraser konabá Projetu Lei Reparasaun no Lei Konabá Hari'i Instituisaun Memórial-Votasaun iha Komisaun A favor 5, kontra 2 no abstensaun 0. Bankada ne'ebé vota a favor mak hanesan bankada PUN 1, CNRT 2, PSD 1, ASDT 1, Undertim 1, no bankada Fretilin vota kontra ho votus 2.

#### **Oinsá partisipasaun deputadu nian iha Komisaun A (ativu ka pasivu)?**

Iha fulan ida ne'e komisaun A hala'o audénsia pública konabá Projeitu Lei Reparasaun no konabá Projeitu Lei Hari'i Instituisaun Memórial, ho NGO's no vítima husi Distritu 13. Iha atividade hirak ne'e membru Komisaun A aktivu hodi fo sira nia hanoin no esklaresementu.

### **b. Infomasaun konabá atividade legislative**

Iha fulan ida ne'e deputadu sira iha komisaun A, okupadu ho audénsia pública konabá Projeitu Lei Reparasaun no konabá Projeitu Lei Hari'i Instituisaun Memórial.

#### **Komisaun A debate ka simu proposta lei ka projeitu lei saida?**

Iha fulan ida ne'e Komisaun A halo Projeitu Lei Reparasaun no halo Projeitu Lei Hari'i Instituisaun Memórial. Husi projeitu lei rua ne'e Komisaun A halo audénsia pública ho NGO's sira inklui vítima husi distritu 13 no halo relatóriu inklui rekomenda rezultadu audensia pública ba meja parlamentu ho vota a favor 5, kontra 2 no abstensaun 0.

#### **Iha konsultasaun konabá esbosu lei ka lae?**

Iha fulan ida ne'e komisaun A halo konsultasaun konabá Projeitu Lei Reparasaun no halo Projeitu Lei Hari'i Instituisaun Memórial. Husi projeitu lei rua ne'e Komisaun A halo audénsia pública ho NGO's sira inklui vítima husi distritu 13 no halo relatóriu inklui rekomenda rezultadu audensia publiku ba meja parlamentu

Presidente Komisaun A mós halo inkontra hamutuk ho STP-CAVR 'working group' (ne'ebé inklui JSMP hanesan membru) atu realize planu konsultasaun ba esbosu lei rua konabá Instituisaun Memória no Reparasaun.

**Iha partisipasaun husi governu ka lae?**

Laiha partisipasaun husi membru governu maibé tuir informasaun husi Prezidente Komisaun A halo mós konsultasaun ho Konsellu Ministru konabá projeitu lei Instituisaun Memória no Reparasaun.

**c. Infomasaun konabá aktividade fiskalizaun/infomasaun diversas/oversight**

**Komisaun A halo fiskalizaun konabá asuntu saída?**

Iha fulan Jullu Komisaun A la halo fiskalizaun tanbá okupdadu ho aktividade sira konabá Projeitu Lei Instituisaun Memória no Reparasaun.

**d. Komentáriu ka análiza seluk konabá Komisaun A nia aktividade?**

**Iha komentáriu ka análiza seluk konabá Komisaun A nia aktividade?**

Iha prosesu audénsia pública konabá Projeitu Lei Reparasaun no Projeitu Lei Hari'i Instituisaun Memória iha Parlamentu, POP hetan autorizasaun atu tuir diskusaun tomak iha Komisaun A nian. POP kontente ho Komisaun A nian hanoin diak atu autoriza POP hodi tuir diskusaun ne'e tomak.

**e. Infomasaun jeral konabá Komisaun seluk**

**Iha infomasaun jeral konabá Komisaun seluk nia aktividade?**

Komisaun seluk nia altividade POP la hetan infomasaun iha fulan Jullu ne'e tanbá depois de debate orsamentu retifikativu iha fim de fulan Jullo deputadu sira tama kedas iha prosesu resesu ka feriado iha inisiu fulan Jullu.

**Atu hetan análiza barak liu favor ida haré took públikasaun ne'e**

Komunikadu Imprensa:

- JSMP komunikadu Imprensa, "JSMP Rekomenda ba Primeiru Ministru Australia atu respeita ba Konstituisaun Timór Léste", Públika 8 Jullu 2010,
- JSMP komunikadu Imprensa, "Komisaun A PN aprova Relatóriu Paraser ba Lei Instituisaun Memórial no Lei Reparasaun", públika 21 Jullu 2010,
- JSMP komunikadu Imprensa, "Parlamentu Nasionál Feriado Durante Fulan 2"
- JSMP, Buletin Parlamentu Númeru 2 konabá Parlamentu nia aktividade no mós análiza konabá Esbosu Lei Instituisaun Memórial no Esbosu Lei Reparasaun